



:- m:

a: :p:

J. W. Seligman
H. W. Seligman

Ne pagina hic vacua superstit, en ex Codice
MSto Turcico

GENEALOGIAM AHMEDIS III,

hodierni Imperatoris Turcici, ab Adamo deductam.

Adam.	Togrol.	Baifingir.
Seth.	Ba Soub.	Kintzoun.
Enos.	Chomour Mir.	Tourgar.
Cainan.	Sounisch.	Iktelou.
Mahaleel.	Cani.	Bajendir.
Jared.	Bash Bouga.	Cazin Bouga.
Idris.	Jemak.	Kyalep.
Methusalach.	Kerbouga.	Soleiman.
Lamech.	Komri.	Ortogrol.
Noach.	Tourozj.	Othman I.
Japhet.	Peketmour.	Ourchan.
Boulzjas.	Comar.	Morad I.
Matzjin.	Artouk.	Bajazeth I.
Tzjin.	Couzj bek.	Mohammed I.
Goui.	Ai Tougmis.	Morad II.
Ba Timour.	Togrol.	Mohammed H.
Courlou.	Ba bek.	Bajazeth II.
Carachoua.	Jelwazj.	Selim I.
Soleiman.	Basoub.	Soleiman.
Cara Angelan.	Cara.	Selim II.
Coumasch.	Ogouz.	Morad III.
Omoudi.	Kouk Alp.	Mohammed III.
Baltzjik.	Basouk.	Ahmed I.
Carazjar.	Toukotmour.	Ibrahim.
Cour Tolmisch.	Sougar.	Mohammed IV.
Tzjarbouga.	Baki Aga.	Ahmed III.
Sounizj.		

DESIDERII PACII
STRICTURÆ
BREVES

In Clar.

D. FRIDERICI SPANHEMII FIL.
EPISTOLAM

De

NOVISSIMIS

Circa res Sacras

In

BELGIO DISSIDIIS.



M. DC. LXXVI.

THE UNIVERSITY OF CHICAGO

STRICTLY

CONFIDENTIAL

AND

NOT TO BE DISCLOSED


EXCEPT TO THE

APPROPRIATE

OFFICIALS

OF

THE UNIVERSITY OF CHICAGO



UNIVERSITY OF CHICAGO

DESIDERII PACII
S T R I C T U R Æ
B R E V E S

I N

CL. D. FRIDERICI SPANHEMII. FIL.

E P I S T O L A M

Ad

A M I C U M.



Non ita pridem in lucem
prodiit Celeberrimi D.
Spanhemii Epistola de novis-
simis circa res sacras in Bel-
gio dissidiis, qua visa atque
perlecta

Obstupui steteruntque comæ, & vox fauci-
bus hæsit.

Stupebam enim in innocentes & nihil
tale meritos, omne jactari calumniarum
genus, idque eo artificio, eaque callidi-
tate, ut justus, ne incautos & rerum no-
strarum ignaros seduceret, metus quem-

libet bonum incesſerit. Ei nihil reponere, nec calumniandi quibus peritiſſimè utitur artes detegere, tutiſſimum forte foret. Terrent enim me omninò aliorum veſtigia. & abſtinerem certè ab hoc propoſito, niſi mei officii putarem famam honeſtorum & pacis amantium virorum quam ſubdole admodum in illa epiſtola læſam animadvertēbam, quantum in me erat, ab illius Theologi calumniis immunem præſtare. Provinciam ſuſcepi, fateor, arduam. Sic jubet ipſa ratio, jubet cauſæ quam propugno veritas; quæ ſola eam in me fiduciam procreat, ut auſim quid de illa Epiſtola ſentiam, palam facere. quod ipſum brevi nec cômpto vel ad oſtentionem declamatoriam compoſito, ſed ſimplici & vulgari ſermone expediam.

Postquam populi rumore intellexeramus parari à Cl. Spanhemio fulmen vibrandum in capita ſic dictorum Novatorum, arrectis auribus adſtitimus attentique ora tenuimus, obſervaturi quid tantum oraculum eſſet reſponſurum, & quibus tonitruis turres diſſecturum. verùm poſtquam expe-

cta-

Etavimus sic satis, accidit nobis quod illis
 qui parturientis montis acciti clamoribus
 convenerant spectatum undique, frustra-
 tamque expectationem suam mirabantur:
 quippe, ut ait Poëta,

Mons parturibat gemitus immanes ciens,

Eratque in terris maxima expectatio

Quid ille pareret: at ille murem peperit.

Neque enim Cl. Spanhemius extricabat
 illa quæ minabatur, quique expectabamus
 & eruditam & modestam paginam, nihil
 tale impetravimus, sed flosculos vocum,
 sed verborum mare, rerum autem, ut di-
 cebat ille, guttas;

Præjicit ampullas & sesquipedalia verba,

de cætero, si non in omnibus saltem ma-
 ximam & præcipuam partem quod attinet,
 est ejus historia

Pergula pictoris, veri nihil, omnia ficta.

Oratoriam. tamen ejus, & undique spar-
 sos flores, quis non miretur? cogitabam

*Quam lepidè lexeis composuæ! ut tesserulæ
 omnes*

*Arte, pavimento, atque emblemate ver-
 miculato!*

sed aliud est Oratorem , aliud Historicum , aliud Theologum agere. Rhetores priscæ elegantix oportet esse studiosiores ; Historia res gestas ; Theologia demonstrationes ex verbo Dei , & simplicitatem exigunt. Paulus non venit καθ' ὑπεροχὴν λόγου καὶ σοφίας , secundum excellentiam sermonis aut sapientiæ , 1 Cor. 2 : 1. non usus est πειθοῖς ἀνθρώπινης σοφίας λόγοις , doctis humanæ sapientiæ verbis , sed ἀποδείξει πνεύματος καὶ δυνάμεως , demonstratione Spiritus & potentia. Talem se hoc in tractatu minimè præstat Spanhemius , cujus omnia comicam potius spirant venam ; foccos atque cothurnos redolent , quam Euangelicam simplicitatem , Theologo nihilominus ut opinor decoram. Verbis aculeatis , dictariis , scommatibusque quæ ipsi atrabilis suggessit referta est omnis ipsius pagina , illisque instructa spiculis , quæ iisdem verbis , facili opera , & summo quidem jure in ipsum retorquebunt illi , quos odiosè ubique perstringit , & contra quos Classicum canit. Quæ autem talia sunt , ut eadem opera , qua dicuntur , retorqueri queant

queant in auctores, nihil solidi continere indubium est, atque eo loco suo merito haberi quo anserum strepitus solent, evidens omnium suffragiis judicabitur.

Vult videri diffidiorum osor, eorumque tranquillus spectator D. Spanhemius, extra partes constitutus, procul omni affectu, amantissimus pacis, qui sine ulla sua culpa ab una dissidentium parte sit passus martyria, quem nemo accusaverit merito suo, cui indies quasi cum belluis sit luctandum. Mirantur certè & stupent docti Novatores, seque in alium propemodum orbem delatos putant. Tam diu nobiscum fuerit Spanhemius, tot ipsis fuerint exedendæ contumeliæ & injuriæ, quas intriverat ille, tot pressi persecutionibus ignorare necesse habeant quo in ipsos sit affectu Dictator ille! rem miram certè & incredibilem. Sed rem ipsam putemus.

In ipso limine se cum quibusdam confociat quos *Fratrū* nomine dignatur, & in omni scripto ad eorum causam se adjungit. Hos ab aliis distinguit, contra quos ingemiscit & quiritatur, quibus novatu-

riendi studium passim tribuit. Ast, an hoc est *partes nec facere nec sequi*? an non ita in os contradicit Australis Hollandiæ Synodis Leerdamensi & Dordracenæ, Annis post natum Salvatorem **CIO IO CLXXV.** & **CIO IO CLXXVI.** habitis? Enimverò in nupera Dordracena Synodo cautum est, ne cuiquam liceat Symmystas, formulis consensus adhærentes, traducere tamquam *Novatores*, idque ne fieret *publice aut privatim, nec in concionibus nec in Scriptis, nec in Catechisationibus, nec in precibus vel gratiarum actionibus, nec directè vel indirectè*, speciali articulo vetitum est. Postulabant Fratrum quidam in Actis huic articulo adderetur vocula **weder-zijds** / *ab utraque parte*. Morem ipsis gerebant, qui tamen hanc vocem omissam maluissent. Sequenti mane Illustr. Ordinum Deputatus ad Synodum, D. Hudde Synodum monebat, voculam hanc *partes* hinc inde ponere, proindeque expungendam esse omninò ab iis, qui non tantum (ut ex prælectis Classium votis liquebat) à Schismate, sed ab omni ejus specie erant alienissimi.

mi. In hanc Nob. D. Deputati sententiam ad unum omnes, & Correspondentes, & Synodi Deputati, & Fratres Synodici, illicque ipsi qui additam hanc vocem antea voluerant, unanimi consensu, iverunt, atque etiam pro hac concordia grates Deo solennes à Præsìde Synodi sunt actæ. Historiam scilicet rerum gestarum procul omni affectu, qua par est fide se Scripturum pollicetur Amico suo Cl. D. Spanhemius. Ast, quare hujus ut & Leerdamensis Synodi acta intacta reliquit dissimulavitque noster Historicus? quare Fratres à Fratribus contra manifestum Synodi decretum distinguit? nisi forte putaverit sic schismatis extruendum sibi esse fundamentum, ad quod procurandum totam hanc comparatam esse epistolam facile qui non admodum obesæ sunt naris, videant & animadvertant. Et tamen inter istos fratres nemo referri queat eorum, qui Synodis Hollandiæ Australis Leerdamensi & Dordracenæ nuperrimè interfuerè, quorum omnium pacifica fuerunt vota, tolerantiam commendantes sententiæ, & pro

tranquillitate Ecclesiastica consilia. Ne inter hos recensere liceat plurimos infinitosque alios pacem cum aliis in quaestionibus non fundamentalibus amantes memores veteris illius ac tralatitiæ sententiæ,

*Dissentire duos etiam de rebus iisdem
Incolumi licuit semper amicitia.*

Solummodo ergo pro Fratribus hisce Spanhemio dilectis reputandi veniunt illi qui Hagarem expulsam volunt, qui consiliorum de Fratribus exturbandis & depoenendis sunt participes. Egregium verò tantis malis Medicum, certè si vulneris oleum applicare neglexerit, minimum ictu affunderet camino. Ita iste verbis nihil quam pacem crepat, quum re ipsa & factis pronus ad pugnas tempestates cieat, bella alat atque adornet, & ad arma viros vocet. Sed de his latius in sequentibus.

Atque ea quidem omnia quæ de ipso verè dici poterant, de iis quos Adversarios elegerat pronuntiavit pro ipsius se eruditione & modestia. Illos itaque Theologos, à quibus suos Fratres distinguit passim tamquam *αὐθαδέις, ἀτόπεις καὶ ποιηταὶ*
αὐθροί

αἰθρώπης, contentiosos, morosos, implacabiles, indoctos, ὑπερηφάνους, conjurationis reos, Auctoritatis publicæ contemptores, Doctorem virorum æquè ac piorum Ofores traducit, atque in eo totus est ut hæc de ipsis Lectori persuadeat. At quo jure? quibus argumentis? lege, perpende totam epistolam, nullam reperiēs probationem, quam quæ resolvitur in Auctoritatem narrantis, ac si credenda illa forent omnia quia αὐτὸς ἔφα, ipse dixit Dictator Academiarum & Ecclesiarum totius Belgii, alter Papa ex cathedra pronuntians & docens infallibiliter.

Verùm fallor, argumentatur & alicubi, quando scilicet Clarissimi Wittichii Collegæ in speciem *honorandi* sententiam refert p. 99. &c. & 166. concluditque ipsius dicta occasionem suppeditasse decreto AA. DD. Curatorum, xvi. Januarii. Sed potuisset & hoc labore supersedere, quum jam dudum à plurimis maximèque à Magno D. Heydanò demonstratum fuerit in alia omnia torqueri Reverendi Wittichii voces, quam debuerant, neque enim
hanc

hanc esse vel unquam fuisse Celeberrimi viri sententiam, humanam mentem ad calculos claræ & distinctæ perceptionis revocare aptam natam esse divinitus revelata mysteria, atque adeo res revelatas clare & distinctè posse cognoscere, sed hoc velle Theologum verè pacificum, revelationem nos posse clare & distinctè percipere, adeoque omni errandi periculo liberari quando fide apprehendimus illa quæ clare & distinctè, collatis ponderatisque undique petitis argumentis, percipimus à Deo nobis revelata esse. Quum autem ad istius generis minutias responsum sit sæpius, neque enim quicquam in integro hoc scripto, in quo tantam pompam adhibuit, reperias quod majoris sit ponderis, prout demonstrare facile erit illis quos istam camarinam movere penitiùs non pigebit, fatius fratrum famæ percisset Spanhemius, neque bis imò sæpius coctam recoctamque hanc crambem, novis verborum phaleris donatam amictamque fastidienti literato orbi denuò propinasset.

At

At quos viros ab hisce suis Fratribus disjungit? totos certè paci deditos addictosque, nulli graves, ita à Fratribus quantum ad ea quæ fundamentum non tangunt quandoque dissentientes, ut in disjunctione sententiæ conjuncti tamen amicitia manere studeant optentque, qui cum se extorta responsione atque inevitabili apologiâ contra inimicorum morsus falsasque delationes & calumnias munire coguntur, lento pede properarunt semper, atque inviti, ut famæ suæ alioquin periclitanti consulerent, adacti sunt; neque in arenam pertrahi se passi fuissent, nisi minimè fraternos impetus, nemini negato hoc præsidio, propulsare necessarium omninò duxissent. qui certè si per aliquos ipsis non liceat ita gloriari, sed dolorem, atque inimicitias suas Ecclesiæ & Reipub. literariæ concessisse, quod magnorum virorum & persapientum esse videtur, hoc tamen jurè meritoque possunt uti, quod non tam ad laudem adipiscendam, quam ad vitandam vituperationem valet, nunquam se ullo scripto conten-

tio-

tiosos fuisse quod non extorserint ipsi
etiam nolentibus famæ & existimationi
ipsum infidiantes papaturientesque qui
dam Fratres. Ad vos provoco, quibus
Ore scriptisve DD. Heydanus, Coccejus,
Wittichius, Burmannus, Cartesius, Al-
linga, cæterique Professores Pastoresve
quos procul omni ipsorum culpâ in hac E-
pistola atro carbone notat, innotuerunt,
qualescunque estis, Tros Rutulusve, Ba-
tavi vel Exteri, provoco ad vos, an un-
quam viros istos eximios experti sitis ta-
les, quales hic partim apertè partim rectè
traducuntur? Testabitur Belgium, testa-
bitur omnis Literatus Orbis non minus
pacificam Theologiam, solidam Philoso-
phiam, egregiam Literaturam, mode-
stiam, affabilitatem, comitatem, facili-
tatem, beneficentiam virorum eruditissi-
morum, quam calumnias & machinatio-
nes quibus petuntur premunturque à Ma-
gistris quibusdam magis rhetoricantibus
quam Prophetantibus aut Philosophantibus.
Quorsum autem istiusmodi ad invi-
diam compositis logis & sesquipedalibus
verbis

verbis ipsorum acta in hunc modum depinguntur? nisi ut inter turbones habeantur, indignationem Magistratum promeruisse & promereri censeantur, odium plebis ipsis concilietur, & animi Theologorum exterorum contra Innocuos irritentur? quæ omnia Deus Opt. Max. benignè avertit hætenus, avertat porro?

Prudentis silentii non pænitet Spanhemium, siluit ergo usque in hunc diem. Egregium verò silentium, festivam taciturnitatem! quid autem ipsi est siluisse? fortè, quod Hulsii multum dilecti fraterculi instar materias controversas non tractaverit. hoc si dicere voluerit, verum quodammodo dixisse eum fatebor, neque id unquam Spanhemium facturum, quæ ejus est prudentia, omninò confido. Ast, si per ipsius ad ostentationem jactatum silentium, innuere ipsi animus sit, nunquam se Spanhemium hisce jurgiis atque controversiis immiscuisse, fallit utique Amicum, neque quod res est dicit. Hæc quippe extant internecini odii Spanhemiani specimina & crudelissimæ persecutionis argumenta,
ut

ut frustra quisquam dubitaverit an Spanhemius turbarum rixarumve in Lugdunensi Batava Academia quatuor abhinc anni excitatarum sit primus auctor & per clandestinas artes perpetuus perniciosi illius ignis fotor. Quem enim ipse sopitum fuscitaverat, per alios nutrire maluit, ut gloria sc. silentii maneret ipsi integra.

Quis enim primus Anno post Christum natum MDCLXXIII. Corollariis suis involavit in Cartesianos tamquam impios quis in Coccejum, quis in Wittichium tamquam Weigelianos? an non Spanhemius in iis quæ subnexa fuere disputatione duodecimæ *ad loca illustriora Nov. Test. cum hodiernis Adversariis controversa*. Audiantur ipsius voces, & judicet Lector.

I. *Dubitare quocunque modo de Dei existentia, nec pium est, nec honestum.* neque iuvit inficias Spanhemius hic à se notatum Cartesianum, omnesquæ norunt hanc sententiam à Spanhemio ipsiusque Fratribus exprobatam sæpissimè Cartesianis fuisse quæ poterat igitur hanc sententiam impietatis accusare, nec censi mordere fratres:

tres? tantine ergò erat contra Cartesium paucula hæc verba, à Magno Philosopho & discipulis explicata millies optimaque interpretatione vindicata, in chartas retulisse, ut pacis nulla fuerit habenda ratio, minimèque cavendum ne Fratribus Cartesianis offendiculum præposterâ, detortâ atque injuriosâ scriptione poneretur? potuisset utique D. Spanhemius id non agendo omnem offensionem vitasse. Nisi fortè Fratrum quorundam, quos honoris pacisque causa hac vice indictos præteribo, instigationibus excitatus, illustri documento probare voluerit, quid pro communi ipsorum causa auderet. Acta refero, nec fabulas scribo, sed talia quæ nobis per ipsius propinquos innotuere.

Pergit infelix Disputator. II. *Angelos non indigere aliquo Ubi in quo existant, & neque hic esse neque illic, male statuit pridem Weigelius.* quibus certè verbis Cl. Wittichium notatum atque Weigelianis adscriptum, non dubitabit, qui apprimè edoctus novit illam à Fratribus Spanhemii D. Wittichio sententiam imputatam.

Ast, cave credas Lector, sequentibus Corollariis stigma inuri Coccejo, atque etiam hunc minimè contemnendum Theologum à Magno hoc Censore in grege Weigelianorum annumerari. *judicat enim fortè honorifice de Celeberrimo Coccejo* his verbis, nostra verò hæc est stupiditas ut id non capiamus. III. *Malè, inquit, cùm idem Weigelius, tum alii, negarunt Patribus Veteris Testamenti Spiritum Adoptionis, & Servitutis tantummodò illum adscripserunt.* Neque enim quicquam horum Coccejo fuit imputatum unquam scilicet. Hæc certè si inspiciantur penitiùs, & consideretur attentius quid mentita illa *ἀπίδειξις* belgica (*de nodige aenwîssinge* &c.) quid in suâ Mantissa argumentatione vah quàm futile à Coccejo doctum scriptumve frustrà adstruere conatus fuerit Hulsius, Spanhemio profectò Frater tantùm non gemellus, nullo fermè labore & procul omni errandi periculo judicabit omnis, quo jure quâve injuria Spanhemius se jactet *nulli Collegarum injurium, scriptis nullis contentiosum, nullo judicio exactorem rigidum, nulla*

Hæ-

Hæreseos accusatione Fratrum gravem, nec in theatrum illud litigiosum pertrahi se unquam passum. Nisi forte hoc profiteri velit, se bello quam paci proniorem, suâ sponte nulla adhibita aliorum vi, nimio revera fervore in pugnam ruisse & in alios cæco impetu incurrisse, & quum adversarium, saltem ex Theologis inveniret nullum, alios in arenam pertraxisse, qui exosos Fratres, ore, scriptis, clamoribus, jurgiis omnique injuriarum genere lacefferent donec ad manus ventum esset. Ita huic & Fratribus ipsius

Bella geri placuit, nullos habitura triumphos,

& in propria viscera sævire religio non fuit.

Inspiciantur & quæ corollaria illa quæ supra citavi sequuntur, & palam fiet, illa omnia opposita fuisse sententiæ quæ affingitur illis, quos à Fratribus suis disjunctos vult.

Hæc sunt verba. *IV. Christus fuit plenarius Expromissor, seu Interventor, adeoque Redemptor sub V. T. à Deo creditore nostro*

tum datus tum acceptatus. V. Expromissionis ejus is fuit effectus, etiam ante actualem solutionem, sed tamen certam & necessariam, ut liberati fuerint peccatores credentes sub V. Test.

VI. Hæc liberatio dici potest tum παράσις, seu prætermissio, vel dimissio primi debitoris; tum ἀφείσις, seu remissio debiti, ob translationem ejus in alium; tum ἀνείσις seu relaxatio; tum ἀθώωσις seu liberatio, absolutio; tum acceptilatio, non imputatio, non punitio &c. promiscuo usu vocum in & extra Scripturam sacram.

VII. Non intercedit illi liberationi vel remissioni, conscientia peccatorum, de quâ Paulus ad Hebr. 10: 2. nec commemoratio eorundem ad Hebr. 10: 3. nec chirographum nondum abolitum, ἡ κατ' ἡμῶν, ad Coloss. 11: 14. quibus sanè respexit Paulus ad ipsam solutionem, seu expiationem adhuc actu præstandam ab Expromissore, & quoque ad usum oblationum sub V. T. earumque ἀσθένειαν καὶ ἀδυναμίαν.

VIII. Indubium tamen est majorem jam esse sub N. T. (post præstitam solutionem, &

abo.

abolitum chirographum, adeoque post peremptam substantiam debiti & post discussas umbras) παρρησίαν, χάριν, καύχησην.

Defensa sunt illa Corollaria ad diem 10. Junii. Parvo post tempore primo Corollario de *Dubitatione* agenti, aliud opposuit Cl. D. Cranen, tunc temporis Philosophiæ Professor atque Illustr. Ord. Hollandiæ Collegii Subregens, quo injuriam à Spanhemio Cartesio ipsiusque Discipulis factam repelleret, aculeatis fa-teor dictis. Erat tunc Academiæ Rector Spanhemius. propria auctoritate prohibet illam defendi disputationem, & quod omni caret exemplo, factumque contra Leges Academiæ, affixum titulum avelli curat. Hinc contentio inter Ipsum & D. Cranen, qui jussis parere recusat atque Disputationem invito Spanhemio defendit. At quæ non hinc contra D. Cranen querelæ & lamentationes in sinum Ampliss. DD. Curatorum effusæ, quibus non vocibus flebilibus spretam auctoritatem, illatasque ut opinabatur injurias vindicandas petiit, obtinuitque!

Rogaverit jam quisquam , qua occasione aliquo post tempore D. Cranen Collegium Ampliff. DD. Ordinum Hollandiæ Professionemque Philosophicam deferere jussus sit , non mediocri cum jacturâ salarii ad Professionem Medicam vocatus ? hoc profecto responsi feret. occasione delationis perpetuæ à Spanhemio ejusque asseclis id factum , nescit nemo.

Quis quicquid adversi ipsi contingeret , quis factas sibi injurias , quis illatas sibi contumelias , à Studiosis aliisque quorum irritaverat iras , quorum omnium animos inhumana crudelique austeritate , indigna contemptione ac despicientia , impotentique dominatu quem non tantum in omnis generis studiosos sed & in Collegas exercebat superbissimè , à se alienaverat , imputavit Collegis , atque hoc nomine apud Ampliff. DD. Curatores eos accusavit ? an non Spanhemius ?

Quis Epistolam ad Hebræos publicè prælecturus applicatamque daturus , id ferè unicè egit , ut Commentarium Cl. Cocceji ~~refutatum~~ daret , nec sincerâ atque

que Theologo dignâ fide Cl. Viri sententiam semper referens? Quis in Collegiis ita Locos communes Theologicos tractavit, ut quæ hodiè finguntur esse controversa, solâ fermè attigerit, cæteris tantùm non neglectis? Utique Spanhemius, si per plurimorum Auditorum dictis narratisque fidem adhibere liceat.

Quis præsentibus Collegis, quum ob excitatos in Disputatione D. de Vries tumultus, ut criminis causæ delati essent, & à DD. Curatoribus vocati ut se defenderent, quasi ipsius causa ageretur, dixit se amplius docere non posse, si illa Philosophia, Cartesianam innuens, traderetur ulterius? Nonne is fuit D. Spanhemius? Quâ fronte igitur querulum hoc caput profiteatur se *nulli Collegarum injurium*?

Sub finem Anni MDCCCLXXIV. D. Spanhemius Disputationi nî fallor nonæ *de Statu & Luctâ Hominis Regeniti*, hæc corollariâ annexa dederat,

I. *Differentia inter æconomiam Veteris & illam N. T. consistit potissimum in externa administratione Fæderis gratiæ,*

quæ administratio illic rigidior , operosior , obscurior , hic suavior , facilior clarior , illic magis restricta & limitata , hic verò amplior magisque extensa.

II. *Neutiquam verò discrepantia illa quærenda in donis salutiferis , justificatione , adoptione , sanctificatione , charitate , inscriptione legis in cordibus , pace cum Deo , tranquillitate conscientiæ , quæ charismata utrobique eadem.*

III. *Nec aliter fieri potuit , quia utrobique per fidem conscientis fuit applicatum unum idemque meritum efficacissimum , pretium sc. sanguinis Filii Dei , sive jam in carne exhibiti sive exhibendi.*

Ex hisce profectò Corollariis eorumque comparatione cum prioribus videre erat , non constare sibi D. Spanhemium atque in pejus eum proficere ; siquidem priori disputatione agnovit sub N. Test. majorem esse *παρρησίαν , χάραν , καύχησιν* , atque in posteriori asseruit discrepantiam inter Oeconomiam Veteris & illam N. Test. non esse quærendam in donis salutiferis , justificatione , adoptione , sanctificatione , charitate , inscriptione

*ptione legis in cordibus , pace cum Deo , tranquillitate conscientiae , quæ charismata utrobique eadem. Verùm , hæc transeant cum cæteris erroribus , fortè è re sua putavit sententiam mutare , quo liberius posset fratribus contradicere. Naçtus illâ horâ erat opponentem D. Cornelium vander Linden , Medicinæ Doctorem & Ministerii Candidatum , imparatum tamen ne quicquam istiusmodi meditatum atque in ipso Auditorio casu in hæc corollaria incidentem. Lis tunc brevis erat. instabat enim hora. Tempore interclusus Opponens , quo minus quæ in promptu ipsi erant argumenta proferret , destitit. Urgebat D. Spanhemius , sibi satisfactum diceret. recusavit alter , nec eo adduci se passus est. Provocavit eum Spanhemius , ut proxima disputatione se sisteret , curaturus eadem reponerentur argumenta. Fidem dedit Opponens. Stetit promissis D. Spanhemius , nec partibus suis defuit D. vander Linden , non parum indignans quod post primam oppositionem in *Fabula Acceptilationis* nullo suo merito à D. Span-*

hemio, (qui jam antea Magnificus Rector, eum omni injuria, gradum Doctoratus petentem, non sine ignominia atque infamia prohibita disputationis Medicæ, quam conscripserat Candidatus nimis ex sententia Cartesii, quasi plena esset dubitationum, defensione, affecerat,) livido dente se morsum compèrìret. Quid fit? descendunt in certamen uterque septimo decimo Kal. Febr. Anni MDCLXXV. congregiuntur, ad incitas redigitur Cl. Spanhemius non semel, dicta revocat atque indicta asserit, urget Opponens dictaque repetit; Calumniatorem eum dicit Spanhemius, Opponens convitium reddit optimæque fidei quotquot aderant Auditores Spectatoresque testes citat, Spanhemius verborum atque argutiarum fuliginem ob oculos audientium jactat, & tandem auditâ horâ separantur. Quæ certè ita gesta esse omnia, nemo qui à præjudiciis liber disputationi interfuit, negabit. Unde facile est judicare quàm verè D. Spanhemius asserat se *nunquam in istud Theatrum litigiosum pertrahi se passum*; qui provocavit prior virum,

virum , à quo quid meritus esset noverat optimè , nec provocavit tantùm , sed & maledictis laceffivit prior , atque irritavit denuò. Quis autem Disputatione finitâ contra D. vander Linden , imploravit atque impetravit Ampliff. DD. Curatorum opem , ac si non argumentis sed injuriis & convitiis ab eo petitus fuisset ? nec tantum contra hunc , sed & contra D. Bontekoe Medicinæ itidem Doctorem , quasi hic priorem continuis instigationibus juvisset , quamvis D. vander Linden negaret id ullo modo factum , assereretque non observatum sibi D. Bontekoe initio Disputationis fuisse vicinum , nec ullum ipsius verbum aures suas percussisse jurare paratus esset. Ast , factis jam sæpiùs probaverat quid posset contra Peripateticos , jamque sentiendum ipsi erat , quantum referret iram Spanhemii subiisse. Verùm , an non hæc omnia ad Ampliff. DD. Curatorum aures retulit querula vox Spanhemii ?

Quis Concionatores , viam pacis explicantes , ægerrimè atque *αἰνῶς* ad scandalum usque , audivit , & postea tanquam
Turbo-

Turbones passim denigrare atque infamare non est veritus ? an non Spanhemius ?

Quis publicè in Academia Venerando D. Heydano præsentì in Disputatione Medica Inaugurali D. Hermannì Bruynsteen, & amicè atque familiariter cum ipso de objectione quadam Opponentis secundum hypothèses Cartesii loquenti, iracundâ atque altâ fatis voce, lites movit *de Philosophia Cartesiana à cancellis Theologicis ableganda*, & quum indomita ipsius verba vir magnus frangere conaretur, mendacium quod res erat dicenti Seni, rusticâ voce exprobravit ? an non pro suâ modestiâ Spanhemius ?

Quis contradictionem ferre nescius apud Curatores & Ampliss. Ordines Frisîæ contra Bekkerum, apud Antistitem Helvetium nuper contra D. Switserum flebiles anilesque questus fudit ? an non Spanhemius ?

Quis in concionibus Gallicis ; quæ profectò non recitantur gratis, tam Leydæ quam Hagæ Comitum contra Auctorem scripti de Lumine, Philosophosque modernos

dernos debacchatus est quam maximè impotenter atque contumeliose ? An non Spanhemius ?

Quis ad interrogata D. Hulsii de sententia magni Spanhemii Patris circa discrimen V. & N. T. satis acerbè in dictos Novatores invectus respondit per literas, ea procul dubio lege, ut epistola illa The-
sibus extraordinariis D. Hulsii inserta pro-
staret publicè ? an non D. Spanhemius ?

Quis ex Cocceji scriptis, ex Wittichii Theologiâ Pacifica aliisque laboribus pessimè detorta verba excerpfit sub finem
Anni MD 10 CLXXV. interfuitque comi-
tiis eorum, si non præfuit, qui Catalogos hæreseon contra symmistas texuere, exhi-
bendos Proceribus iisque qui Reipub. gu-
bernacula tenent, impertiendos *Fratribus*
suis & cum iis communicandos in quorum
& hodiè sunt manibus ? qui certè si non
sola, saltem primaria causa fuerunt Decre-
ti a. d. XVI. Januarii Anni MD 10 CLXXVI.
promulgati ? Utique Spanhemius.

Quis Leidâ Hagam profecturus, in iti-
nere possessus est, se totum in eo esse,
omnem-

omnemque lapidem movere , ut pellerentur novitates illæ ? an non Spanhemius ?

Hæc Lugduni in Batavis lippis & tonforibus notissima sunt. Plura Deus novit & ipse conscius sibi est Spanhemius , atque dies forte docebit. Historias edere eorum erit , quos hæc pericopa propius tangit : nunc sufficiat ostendisse , minimè vera esse quæ Spanhemius de *suo non pœnitendo silentio* prædicat.

Ast , quid jam hisce omnibus reponet Spanhemius ? negabit fortè quicquam horum esse factum confidens pios illos viros coram quibus omnia hæc acta sunt non facilè passuros se in partes vocari , potiusque publici testimonii invidiam quamdiu id fieri poterit , fugituros ; quæ Fratrum persecutorum perpetuæ sunt artes. Verùm sic omnia & cordis penetralia lustrantem Deum non decipiet , si forte hominibus rerum ignaris imponet , & majorem faciet vim conscientiæ.

Porrò parallela simillimaque fingit dicta factaque exosorum Fratrum , Remonstrantiumque olim prætextus. Hoc enim

à pag. 21. ad pag. 31. usque agit, vel nihil agit. Idque, ut hanc Lectorum animis tacitam insinuet conclusionem, simili modo cum his agendum, quo actum fuit cum Arminianis Remonstrantibus: removendos à Scholis & Cathedris Academicis, Ecclesiâ pellendam domoque ejiciendam hanc Hagarem, ut solus dominetur inter suos Fratres persecutores Dictator futurus perpetuus. Provocarunt Remonstrantes ad formulas Consensus, conquesti sunt de inquisitione & tyrannide & Magisterio quorundam in Belgio. Commendarunt tolerantiam in quæstionibus de V. articulus, urserunt libertatem prophetandi, profectum & multiplicationem cognitionis commendarunt &c. Idem autem dicunt atque agunt hodierni Theologi cum quibus Spanhemio & Fratribus ipsius res est. Quid inde! Ergo Remonstrantes sunt aut Remonstrantium hypothese affiniores? λόγοι, ineptiæ. An quando duo dicunt idem, id semper revera est idem? Hoc utique artificio Unusquisque omnes obrestationes, protesta-

sta-

stationes subscriptionesque Fratrum suspectas habere potis est ; nec erit , quod vir probus vel honestiorum quisquam fidem facere atque impetrare queat.

In eundem hunc modum ὁ ἀλλήλίζοντες coram componunt comparantque Papistas alique Calvinianos ut vocant Reformatos & Turcas , Protestantes & veteri Ecclesiæ hæreticos. Remonstrantes potuerunt generalia quædam juris adferre quæ si simpliciter considerentur sunt verissima , perperam verò applicata veri nihil dicunt. Quid an non datur in cognitione profectus ? an scientiæ multiplicatio non est promissa ? an non est prophetandum ? an Mortalium quisquam Magister fidei esse queat ? an auctoritatem humanam in iudicio Ecclesiastico prævalere æquum est ? nonne ὁρθόδοξος recteque de Deo atque ejus verbo sentiens Theologus se iis opponere necesse habet , qui tyrannidem & nomen humanum in Ecclesiam reducere omnibus viribus nituntur ? vide hic generalia quædam juris , quæ uniuscujusque conscientiæ quam maximè obvia sunt

sunt , quæ licet à Remonstrantibus falsò
 pessimæ causæ fuerint prætenfa , nihilo-
 minus ab aliis oportunè admodum sum-
 moque cum jure allegari possunt. Tam-
 diu itaque nihil egerit Spanhemius , in-
 star eorum qui *ἀεὶ αὖτις* , quam diu
 non probaverit invictis argumentis hæc
 effata ab exosis Fratribus prætendi ma-
 gis , quam rectè ipsorum causæ appli-
 cari.

Sed jugulandus venit Spanhemius suo
 ferro. Strinxit enim in proprium jugulum
 hunc gladium. Examinare igitur liceat in
 quibus hujus Fratrumque ejus persecuto-
 rum acta cum Remonstrantium gestis con-
 veniant. Arminiani anxie ambierunt O-
 peram favoremque Magistratus tam sum-
 mi quam subalterni: idem agunt Spanhe-
 mius ejusque Fratres. Arminiani *silentium*
 imponi Orthodoxis à Magistratu postula-
 runt: idem petunt Spanhemius ejusque Fra-
 tres. Arminiani provocarunt ad Antiqui-
 tatem & Veterum consensum ; idem agunt
 D. Spanhemius ejusque Fratres , Novita-
 tis accusantes symmystas. Arminiani Or-
 tho-

thodoxos tamquam Turbones , indoctos , eruditioni inimicos fugillarunt : idem agit Spanhemius hoc in scripto. Arminiani volebant videri urgere praxin pietatis , vociferatique sunt non laborandum de spinosis controversiis , quas logomachias vocabant , sed de moribus emendandis multa jactabant : idem clamant Spanhemius atque ejus Fratres persecutores. Arminiani pacis gratia scilicet , liberam obtulerunt ministeriorum desertionem : idem si non obtulerit , laudat minimum Spanhemius in hac eadem Epistola. Plura studio omittimus , neque enim necesse est omnia talia corradere : sufficiunt hæc pauca ad monendum Spanhemium , istius generis lenociniis imponi non posse oculatis.

Fortunas suas deplorat , de injuriis contumeliisque sibi illatis conqueritur , & tantum non vulnera narrat. Ipsius vicem quis non doleat ! Gaudet duplici Professoratu , Theologiæ sc. & Sacræ Historiæ : quadruplex accipit stipendium , quorum primum ei confertur pro Theologiæ , secundum pro S. Historiæ Professoratu , tertium

tium pro munere Bibliothecarii, quartum pro concionibus Gallicis singulis mensibus habendis. Gaudet favore Magnatum & Nobiliss. DD. Curatorum. quinimò non ita pridem impetravit ut singulis septimanis, non ut antea sexies, quater Theologiam, diebusque feriatis Ecclesiasticam Historiam, sed quater tantum alternis vicibus Theologiam, alternis verò Historias docendas habeat, diebusque feriatis ferietur. vix igitur credibile eò Spanhemium respexisse, nisi ingratissimum se prædicare voluisset.

Aliò igitur oculos retulisse Spanhemium oportet, innuitque fortasse contumelias injuriasve in famosis libellis ipsi impositas; aut convitia nonnunquam ipsi à malè feriatis quibusdam juvenibus dicta: fortè & tyrannidem ipsi non frustra in anonymis quibusdam scriptis imputatam. Vah quanta martyria! Spanhemii Fratres si non & ipse fatis functo atque ad meliora evocato Coccejo *ἐλεποδοξίας* & hæretici famam inurere conati sunt. Acerbiora certè fata lugent Ven. D. Heydanus,

D. Wittichius , D. Burmannus , D. Cranen , D^r. vander Linden , D. Swartenhengst , atque altiores plagas accepere, quibus auctoribus atque proxenetis ipse novit Spanhemius & ex parte supra visum est. Spanhemii verò passiones, si quæ sint, verbis terminantur, quæ nec crumenæ nec corpori nocent; & si quo modo præpostero imperandi studio nimiaque vel inhumana austeritate propriam famam læserit, poterit ingenuo nec fucato amore, comitate atque humanitate omnia emendare atque è contemptibus exire.

Libellos famosos tumultusque Academicos exosi Fratres ex animo detestantur, magisque à talibus abhorrent quam fortè ipse D. Spanhemius, quem jam didicisse istius generis chartas contemnere, sperant. Atque eo magis vellent à talibus abstineri, quod alienandis ab invicem Fratrum voluntatibus atque animis, non sic ut par erat conjunctis, apta nata sint atque unicè inserviant. Verùm est, malè audit Cl. D. Spanhemius à plerisque studiosorum.

roga-

rogaverit vero quisquam quæ tantarum irarum sit causa; regerunt illico, tristi severitate in vultu, torvo lumine, ingenio sævo, inhumano atque inquieto, iracundia, avaritia, superbia, ambitione, πολυπραγµωσύνη, injuriisque his illisve illatis hanc indignationem promeruisse, adeoque ipsum D. Spanhemium hujus fortunæ omnisque universim odii esse fabrum. quæ, quo jure quave injuria dicantur non inquirō, hanc litem minimè facturum meam. Sufficiat narrasse quæ dicuntur, quemadmodum & D. Spanhemius in Epistola, *facta tantum narrat*; atque observasse hujus odii causas non esse controversias illas, quibus D. Spanhemius eas imputatas vellet.

In eo D. Spanhemius multus est, ut demonstret diffidia hæc Ecclesiastica in Belgio jam ante annum CIO IO CLXXII. fuisse orta, neque illi Anno originem debere, atque inibi tanquam sycophanta miserè vapulat Gelasius Major, quem id asseruisse conatur Lectori suo persuadere. Verùm, nec Gelasius, nec Timotheus,

nec ullus dictorum Novatorum initium diffidiorum & controversiarum in Belgio exordiantur ab Anno c15 15 CLXXII. Qui de illis quæ post eum annum gesta sunt loquuntur atque inde malorum originem repetunt, non tam ad ipsas controversias earumque originem, quam ad illas ipsas mirum quantum multiplicatas, ad furiosas vociferationes ingeminatosque clamores de schismate faciundo, fratribus extrudentis, Hagare pellenda spectant. Istiusmodi consilia, mediaque illuc tendentia ab illo tempore prodierunt, atque aures percusserunt feralia istiusmodi carmina indies magis magisque; nec sine Deo hæctenus frustra fuerunt. Nec mirum cuiquam videatur si isthoc strepitu excitati sint quam plurimi, pro pace Hierosolymæ & Egregiorum virorum fama vigilaturi.

Quæ de Cartesio, Coccejo, Wittichio differit, Aliorum erit examinare. Gratia debentur Spanhemio, quod occasionem Viris doctis dederit veram diffidiorum rixarumque historiam texendi, & quid Coccejo,

cejo, quid Wittichio, quid Cartesio factum fuerit, quid Callero creatum molestiæ, penitiùs enodandi atque explicandi, quo occulta & dispersa hætenus quam plurima reteguntur.

Ast, Siccine D. Spanhemi soles amicos? laudas venerandum D. Heydanum, laudas D. Coccejum, laudas D. Wittichium, & dum vis videri laudasse quicquid in eos jactari poterat probri, ipsis inferis, atque omnia illa quæ in ipsos ullo unquam tempore dicta fuere, effutis artificiosissimè: quæ autem dici non potuere, callidè fingis, ut invidiam ipsis crees.

Narraturus historiam Decreti Ampliff. DD. Curatorum, quo viginti Articuli proscribebantur, incalescit plus satis D. Spanhemius; & quicquid ipsi fuit virium intendit ad probandum effata summorum virorum huic Decreto occasionem dedisse. quasi verò DD. Curatores istis Defensoribus egerent. Extricavit autem Ven. D. Heydanus hanc materiam tam solidè in doctissimis illis suis Considerationibus,

ut ipse Spanhemius nihil habeat quod iis reponere vel audeat vel possit. Argumentis agit Vener. Senex, & non lenociniis verborum. Verùm si quid conjectura assequi potis sim, crediderim Spanhemium ejusque Fratres egerrimè tulisse applausum, quo in Belgio receptum fuit id scriptum, nec ferendo fuisse laudes in Cartesium, Coccejum, & Wittichium collatas. Convictos autem de multo passim plurimoque fructu quem consecutæ sunt illæ Considerationes atque edunt quotidie, suspicor judicasse Spanhemii Fratres, è re suâ fore, si Spanhemio auctore vel controversiæ illæ tractarentur, à quo labore D. Spanhemius non immeritò abhorret, vel saltem historia quædam ab omnis generis hominibus legenda, ederetur, quæ multis verborum phaleris decora ea solummodo esset dictura, quæ dictos Novatores urere, eosque in Magnatum odium adducere apta nata essent, adeoque Cartesium, Coccejum, Wittichium atro carbone notandos judicasse. Tantum conjectura hæc est, fateor. gaudebo tamen, si
hic,

hic, ut scholæ loquuntur, non fuerit finis operantis: nemo autem mihi persuadeat hunc finem hujus operis non esse.

Qui Historias scribunt ut decet, res gestas quemadmodum gestæ sunt, narrant, nihil de suo addunt, nihil detrahunt vel cautè dissimulant, nihil importuna exasperatione vel exosa emollitione invertunt. Sed, præfractè ac jurato quasi contraria omnia agit Spanhemius; nec rectè de horum malorum origine, nec rectè de causis, pejus autem de rebus gestis, & pessimè de remediis scribit.

Veram originem progressumque hujus mali persequatur aliquis, si ab æmulationibus quæ Academias inter Trajectensem ad Rhenum & Lugduno Batavam fuerunt perpetuæ, tanquam fonte derivanda statuerit. Ab ipsis incunabulis in illa diversa prorsus methodo studia instituebantur, ac in ista consueverant. Trajectini Ductore Celeberr. D. Voetio præcipuam practicæ theologiæ operam navabant; addiscebatur passim plurimumque lingua Anglicana præ Hebræa & Græca; verte-

bantur in linguam vernaculam Autores Angli, nec̄tebantur & solvebantur Conscientiæ Casus ; recitabantur Conciones promiscuè , omni remoto delectu ac discrimine , nihil referebat an Episcopales , an Presbyterianos an Independentes haberent Auctores : studia Academica trienni spatio absolvebantur. Tales concionatores in suggestus passim protrudebantur. Consistoria , Classēs , Ecclesiæ istiusmodi discipulis replebantur. Æmulatio lites peperit & contentiones fovit. neque illæ intra privatos parietes manserunt. Quæstiones motæ de Coma , Canonicis , Fœnore trapezitico , Sabbato , eæque agitatæ non tantum inter Professores , sed & inter Pastores Ministros Ecclesiæ , coram populo , in consistoriis , classibus , Synodis , Ampliss. & Nobiliss. DD. Ordinum comitiis. Atque ut non rarò fieri consuevit , prout lis litem generat , multiplicatæ contentiones. Auditores præceptorum placitis addictiores magis quam par erat in partes ire , earumque studio segregati facti mutuo vix frui amore , sugillare & mor-

mordere se invicem, quæ placerent his, displicere illis.

Eos, qui se Trajectinis opponebant habebat illorum temporum Magistratum favor, quod per Lugdunensium positiones opinionesque illæsa magis conservari videbatur Authoritas publica. Displicere Magistratibus mores illorum, qui seu in Synodis votis inferiores, seu cohibiti à Politicâ Majestate in quæstionibus de Canonicis, & fœnore Trapezitico aliisque Rempub. spectantibus, causas illas de suggestu coram plebe non sine applausu, (perperam enim non rarò judicat affectibus occupatum vulgus) cum fervore viriumque intensione disceptabant acerrimè: nec tantum de iis quæ inter ipsos essent controversa pro concionibus disceptare, sed & publicum regimen Magistratumque acta sugillare, factam cum hostibus pacem, pacta cum aliis fœdera indignari publicè non verebantur. Atque hinc postea factum, ut præcipuarum quarundam Urbium in Hollandiâ Magistratus, hoc fidere afflatos Pastores à consistoriis non-

nonnunquam nominatos atque electos reprobarint: cujus rei invidiam in immerentes Novatores scil. conferre studeat Spanhemius. ast, ipse sibi turdus cacavit malum.

Celebris erat per integrum Belgium per aliquot annos quæstio de Sabbato, nec leviter animos turbabat; & revera de rebus non de verbis hic disputabatur, agebatur de præcepto Dei, & quidem primæ tabulæ, neque logomachia illa fuit, sed statu quæstionis ritè posito alter asseruit, alter negavit. Narrant, ex Celeberr. Voetii ore ferales has voces haustas fuisse, *quæstio hæc de Sabbato non poterit nisi per schisma decidi*, quæ si vera sint, explicata atque in promptu est origo mali & frustra alibi quæritur hujus calamitatis radix, quæ præsto est. Eadem enim forte & hodiè Discipulis stat sententia, quæ quondam Præceptori.

Sed, quare D. Spanhemius de quæstione de Sabbato ortisque pro ea controversiis tam pauca, ut studio videatur de ea tacuisse? Nihil ipsi frequentius, inquires quam

quam ea omnia quæ ipsum non juvant vel instituto ipsius sunt adversa dissimulando negligere. Sic sicco citoque pede quasi scopulos prætervecta ipsius oratio bella inter Celeberr. D. Voetium & Clariss. Maresium Aliosque tacet. Fateor, frequentissimum esse Clariss. Spanhemio præcipuas historiæ partes intactas negligere, sed aliam tamen causam latere suspicor, quare hasce rixas dissimulet. Quantum ad quæstionem de Sabbato, stat à partibus Calvinii, cujus sententiam amplexi sunt ii, qui hodiè Novatores audiunt atque ob illam vapulant. Maluit igitur de illa filere, quam ingrata narratione Fratribus suis molestus esse. Idque si præstitisset tacito indicio nec prolocuta confessione patefactum fuisset, exosos Fratres non semper accusari merito suo.

Dissentientium itaque in gravissima causa nec levi argumento Theologorum animi exacuebantur in bella; nec mitigabant voluntatum acerbicatem convitia, obtrectiones, injuriæ. hinc odia, rixæ & tantum non schisma: impredientibus

bus id publica auctoritate Ordinibus , doctissimisque scriptis calida concitatissimorum hominum consilia confringentibus moderatisque consiliis perniciosis illis conatibus obviam euntibus D D. Abr. Heydano, Joh. Coccejo, Aliisque; huic etiam calamitati medicinam quandoque facientibus Synodis Hollandiæ Australis.

Ast minimè ponebantur odia. latebant quidem illa & quadam ulciscendi difficultate tenebantur, & quæ vetustate sedata credidisses, inveterata mitti nec finiri potuerunt. expectabatur tantum occasio & captanda quædam oportunitas novo impetu atque intensiore vi bellum fumendi. At quæ causæ motibusque species? misera quidem illa & flebilis. Traduntur Philosophemata Cartesii, leguntur scripta Cocceji, ad examen revocantur, sunt quam plurimi qui ea putant esse aliquid, magni fiunt à Doctis, volitant illi per ora Virorum. Vera hæc quidem; ast errat multumque fallitur qui hinc repetendas calamitatum nostrarum origines & supputanda rixarum semina autumat. Alia majorisque momen-
ti

ti erant non nulla, ob quæ Spanhemius ejusque Fratres diffidebant ab aliis, quos tamen Fratrum loco habuisse debuissent. Libertatem spirabant hi, & servitutem ferre nescii læsuro papaturientium Fratrum jugo colla subtrahebant. hoc crimen est, hinc illæ lachrymæ. Spirabant autem illi tyrannidem, atque huic dominationis spei quum esset litandum, ea ex Magnorum Virorum scriptis collegerunt & corraferunt, quæ detorta & mutilata gravissimæ accusationis argumentum & diræ admodum delationis materiam essent suppeditatura. Experturi an Procerum Plebisque animos ad odium accusatorum Fratrum renovare & revocare possent. Hinc de periculosis Novitatibus clamores, hinc de Atheismo, Scepticismo, Socinianismo, Nestorianismo, Pelagianismo, Chiliasmo accusationes; quorum criminum singula, si jus reddat prætor, deportationem reorum, seu Professorum seu Ministrorum Ecclesiæ, mereantur.

Hoc modo accusati Cartesii Cocceji-
que quondam Auditores, quique eorum
scripta

scripta magni faciebant , obviam ire accusatoribus , calumniam contundere , criminaque hæc Orthodoxæ omninò Theologiæ & scripturariæ , atque innoxia Philoſophiæ illata diſſolvere atque eluere , hoc quidem cum ſucceſſu , ut brevi temporis ſpatio plerique viri Docti & Pacifici veritati illuſtratæ manum dederint & etiamnum dent , ringentibus fruſtra Spanhemii Fratribus.

Incenditur interea Patria funeſtiſſimo Gallico , Anglicano & Monasterienſi bello , & Terræ motum terribilem , horreſco referens experitur Anno c10 10 CLXXII. ubique tumultus populares , Magiſtratus pelluntur , alia prorſus Reipub. redit facies. Tandem votis civium omniumque bonorum , Illuſtriſſimum Arauſionenſium Principem (vivat diu ad gloriam Dei & Eccleſiæ bonum Reipub. decus!) ad dignitates Avorum evectum optantium , fit ſatis. Jactant Spanhemii fratres , ſuum amorem non leve Principis cauſæ attuliſſe pondus , ſtetiſſe Novatores à partibus Loeveſteinianorum. Egregiè callidiſſimè-
que

que commentatam fabulam ! sibi Ecclesiam & Verbi Dei explicationem concreditam existimant viri minimè turbulentam, aliis mandata gubernacula Rerum-publicarum credunt, didiceruntque non esse πολυπράγμονες. Hoc tamen titulo mirum quantum ferocire Spanhemii Fratres. protinus

*Una Eurvsque Notusque ruunt , creberque
procellis*

Africus , & vastos tollunt ad sidera fluctus.
Prodit Tractatus Maresii de Afflicto statu
studii Theologici in Belgio , in linguam Belgicam vertitur , expunctis tamen illis quæ de suis cum aliis Theologis in Belgio controversiis monuerat Maresius , quas & hic D. Spanhemii prudentia intactas voluit. lucem aspicit scriptum belgicum , 't Bericht van Coccejaensche en Cartesiaensche Nieuwigheden / admonitio de Novitatibus Coccejanis & Cartesianis ; eristica scripta D. van Rijssen , Disputationes extraordinariæ Hulsii , & quod est hujus farinæ amplius. In his accusantur & traducuntur Coccejus, Wittichius, Academia Lugduno

duno Batava, Professores Pastoresque Cocceji Cartesiique meditationibus additiores, tamquam fanatici, hæretici aut hæresibus affines, quintæ monarchiæ fautores, Ecclesiæ turbones, hostes Illustrissimi Principis. His, multisque precibus, argumentis, fallaciis sollicitantur Procerum animi ad coërcendos Novatores, imò ad pellendam Hagarem tam Theologicam quam Philosophicam incitantur. Eadem criminationes, eadem fulmina & tonitrua eadem convitia audiebantur in Zelandia & alibi, iidem clamores populi aures non sine commotione de suggestu undique feriebant.

An his visis, talibus perpeffis filere potuerunt Viri omnium Ordinum Pacifici, nemini molesti? hoc ne æquum justumque fuisset? loquela potius lapidibus extorta fuisset. Scribunt itaque & illi; sed eo ipso accusantur turbarum, quasi maledictum ab ipsis & non responsum fuisset, criminique ducitur justa defensio.

Hæc omnia vix primoribus digitis at-

tingit Spanhemius. Machinas à classe Goesana contra Wittichium adhibitas quibus non artibus conatur excusare? Ast quis in illorum gestis conspiciatur ordo? quid justus? quod vel minum charitatis vel studii veritatis vestigium? Classicialiter condemnant inauditum, atque infanti stigma novitatis atque *ελεποδοξίας* inurunt. Cæteras Zelandiæ Classes in quibus plurimi Trajectina methodo imbuti latebant, per literas idem ut audeant hortantur. Ad cæteras Belgii Synodos, quibuscum nihil aliàs ipsis Correspondentiæ, (sit venia verbo) epistolas quibus & illæ in D. Wittichium instigarentur, decernunt, & vix ab Ordinibus Zelandiæ hoc in molimine cohibentur, & à Timotheo Verino, succumbente D. Barenzonio frustra de sententia Cl. Wittichii admonentur. Transsolanos nihilominus privatâ ad privatum epistola eo usque adduxerunt & permoverunt, ut Transsolanæ Synodi Actis, Classis Goesanae acta infererentur. Hinc nova molimina. Proximo ab isthoc anno Synodus Hollandiæ Borealis Woerdam

D 2

cogen-

cogenda erat. Correspondens Transfalanus quid in Transfalana Synodo actum esset narrare atque eandem in Hollandiæ Synodo controversiam movere conatur. Nobiliss. Ordinum ad Synodum Deputatus non ignarus qua arte illa omnia gererentur, certusque turbas quæri, publicam auctoritatem huic audaciæ interponens, Correspondenti silentium imperavit, finemque omni de hoc negotio deliberationi fecit. Adeoque inibi hi doli, hæc machinæ atque præstigiæ nihil ipsis profuerunt, actæque sunt Nobiliss. D. Deputato ab Ampliss. & Nobiliss. DD. Ordinibus Hollandiæ hoc nomine gratiæ, atque ipsi Transfalani Fratres postea ab inceptis destiterunt. Quid erubescis D. Spanhemius? an non hæc digna erant quæ Amico narrarentur? Sed exsequamur cœptum propositi ordinem.

Tacet quibus artibus decretum Eucharistiæ Synodi Anno MDCLXXII. Fratres Spanhemii impetrarint. Gelasius hanc prout gesta est, narrat historiam. Tu tamen D. Spanhemius, qui illum legisti

gisti illorum aspectu obmutescis.

Tacet nobiles illos decem Articulos in Edamensi Synodo ab ipsius Fratribus cufos, plerosque tam crudos, ut ipsæ Borealis Hollandiæ Classēs in sequenti Alcmarianâ Synodo, eos emendare atque emollire necessum putaverint. Obtrudebantur scil. illi articuli ut via pacis, atque ut tales à Classibus in Australi Hollandia tandem fuere receptæ.

Videbatur itaque in illa Hollandiæ parte res composita, restabant Australis Hollandiæ Classēs undecim: ad quas per ordinarios Synodi Deputatos Auctoritate publica decem illi articuli mittuntur eo fine, ut omnia singularum Classium membra illos examinarent atque expenderent, &, si salvâ fide & conscientiâ illæ sâ fieri posset, pacis gratia eos amplecterentur, quò sic pari passu incederent cum Fratribus Hollandiæ Borealis Ecclesiarum Ministris.

Summa votorum Classium Australis Hollandiæ ad Synodum Leerdamensem delatorum Anno CIO IO CLXXV. hæc
D 3 fuit.

fuit. Amplecti se pacis promovendæ ergo decem illos articulos, stipulatâ tamen de non adducendis impofterum fratribus *ὁμοψήφοις* in suspensionem *ἐλεοδοξίας* quadam lege. Quæ & stipulatio in clausulæ modum declarationi Classium subnectebatur, Actisque Synodi inferebatur Legis instar habenda. Neque tamen huc usque à Synodis Borealis Hollandiæ (licet tantum sex in ea sint Classēs) impetrari potuit, ut & inibi clausula hæc recipere-
tur: salvâ tamen pace cum Australis Hollandiæ Synodo, Ut ex actis Borealis Hollandiæ Synodi, Anno c10 10 CLXXV. & c10 10 CLXXVI. liquet.

In Dordracena Synodo Anni c10 10 CLXXVI. eadem pacis formula fuit repetita, confirmata, Classibusque intensissimè commendata.

Consentiunt itaque Australis Hollandiæ Classēs in vias pacis, declarant se nullos Pastores ex suis nosse, qui Novatores audire mereantur, asserunt confirmantque se formulis consensus adhære-
re strictissimè, neminemque nosse qui ab
illis

illis discedat. Jubent pacem coli, charitativè studere omnes volunt: vetant ullum novationis convitium fieri illis, qui formulis consensus adhærent. Sic ibi transactum hæctenus pacificè.

Quantum ab his diversi sunt Spanhemius ejusque Fratres? Classès Australis Hollandiæ negant inter ipsos esse qui ab orthodoxia deficiant. Fratres Spanhemii vociferantur plures inter ipsos esse *ἐτερο-
δόξους* perniciosæ doctrinæ reos. Classès Novatores ignorant talesque in illa Hollandiæ parte reperiri negant, nomen autem Novatorum ut contumeliosum exulare jubent; Fratres verò Spanhemii indices magis magisque & quasi revocatis viribus in accusationem Fratrum coeunt, eosque novitatis reos agunt. Classès declarant nullum suorum membrorum à formulis consensus recessisse iisve nuntium misisse; Spanhemius omnes has assertiones & obtestationes nihili facit, atque odiosa nec non insolenti hac cum Remonstrantium gestis comparatione perfidiæ & hypocriseos suspicionem in fratres jacere

non erubescit. Classes ad pacem cohortantur; eam habent, colunt; Spanhemii Fratres bella crepant, lites rixasque exaggerant. Classes tolerantiam Fratribus commendant in illis quæ necdum in formulis consensus sunt determinata, qualis certè laude nunquam caruit; Spanhemius unicum *silentii* remedium præscribit, & quidem tale, quod solis Spanhemii Antagonistis esset imponendum. Egregiam quidem pacis legem! silere ut velis ubi Deus loquitur & te loqui jubet, idque in gratiam contradicentium. Hanc certè si potuissent conditionem amplecti qui Novatores audiunt, non fuisset disputatum tam diu.

Optas pacem Spanhemi, concordiam commendas, monumentum posteritati fieri vis τῆς τῶν ἀδελφῶν ὁμονοίας, nec hoc quidem malè. Sed, habuissimus pacem, nisi D. Hulsius quietem expulisset: imò habemus pacem, si Fratres tui Decretis Synodorum Leerdamensis & Dordracenæ parere velint; nos illas pacis leges amplectimur, probamus, sequimur, reveremur.

Quid

Quid ni idem faciunt Fratres Tui , quid ni definis res nefarias de Fratribus pessimè suspicari ? hoc præsta id faciant Illi eritque lis omnis composita , jungemus dexterar , mutuoque fruemur amore.

Ast , hæc omnia , quasi facta non essent , Spanhemi , dissimulas. hæccine prisca fides est , & simplicitas Tanto Theologo digna ?

Refert porro , quid Helvetii , quid Germani , quid Galli , quid Docti quidam viri judicaverint de Theologia D. Cocceji , quid de Philosophia Cartesii statuerint. Verùm , quid hæc omnia ad rem faciunt ? nos rationem redduturi non sumus ejus , quid docuerimus ex hujus vel illius sententia , probatum ab hoc rejectum ab illo : sed , quid ex Verbo Dei servata bona conscientia tradiderimus Auditoribus nostris. Ponamus , Omnes ubique & Academias & Eruditos se Coccejo & Cartesio opposuisse , atque ab iis omnes Virorum horum meditationes damnatas , an inde concludere erit Theologiam hanc & Philosophiam esse falsam , erroneam & periculo-

fam? neutiquam. hoc enim si procederet argumentum, pari ratione Reformationem per Lutherum, Calvinum & alios factam optimo jure refutasse dicendi forent Pontificii, ut nos Sleydani aliorumque historiæ docent. Totus mundus opposuit se Euangelio. nec desinit eò Euangelium esse ipsissimum Verbum Dei. Non comparo Cocceji Meditationes vel Cartesii cogitata, Verba hominum, cum Euangelio, quod foret impium. absit hoc! sed invicto argumento demonstro, tales relationes comparationesve nullum posse creare præjudiciam optimæ causæ.

Præterea, narrat quædam quæ facta sunt & prostant publicè, sed non narrat, quibus prensationibus, epistolis, artificiis impetrata sint, quæ recenset decreta. sed & narrat quæ nunquam facta sunt. pag. 99. narrat causas & rationes *D. Wittichii cum Geldris, Ultrajectinis, Zelandis, Transsylvanis, Frisii.* Cum Geldris disputare necessum habuit *de motu terræ*, iisque satisfecit, ut testantur acta publica. nihil igitur est, cur hæc recenseri hic debuerint, nisi id necessum

cessum fuerit ad augendam invidiam. Quid Transisalani egerint dictum superius est, certè eos ipforum spes est frustrata. Insula Goesana omnem Zelandiam non absolvit. De Ultrajectinis & Frisiis nihil in Actis reperitur.

Narrat & quæ antè aliquot annos in Helvetia acta sunt. Sed non narrat, mutatam jam ibi prorsus rerum faciem. Plerosque in Helvetia & Reformatis Germaniæ Academiis Professores Meditationes Cocceji & Philosophemata Cartesii maximi facere. Itaque refert non quæ jam fiunt, sed quæ facta sunt & fuerunt, adeoque dissimulat quæ ipsum non juvant, hâc opinor fiducia, paucissimis quænam in Helvetia hodiè doceantur, innotuisse, idque plurimos latere. Epistolas familiares Theologorum citat. Quid autem juvat prodere secreta? optimo consilio tacet quomodo aliquando epistolam Clariss. D. Heydano inscriptam alteri ad ipsum missæ inclusam, non dicam referaverit avidus cognoscendi quid in ea scriptum esset. nam id casui imputari posset, sed refe-

referatam legerit , quædam de ipso scripta subductis lineis conspicua præ cæteris esse voluerit , referatamque & hunc in modum illustratam Ven. D. Heydano tradere ausus fuerit. Quo nomine ipsi gratias actas nemo crediderit.


Atque hæc quidem hætenus sufficiat observasse. Clarum erit ex illis minimùm, quod


Nil dignum tanto tulit hic promissor hiatus.

Plura procul dubio dabunt illi quibus coràm insultat. Apage sermonum flores & verborum lenocinia aculeos regentia. hebetantur illis oculi , & lumini obducuntur tenebræ , atque ad hoc sunt unicè comparata. Quanto melius autem nobiscum ageretur , si non foret necessum in tali scriptorum genere occupari ! Utinam homines illi quæ restringendo huic incendio facere apta nata sunt , depositis odiis afferrent ? Oremus autem Deum ut domet corda ipsorum , servet Ecclesiam , reddatque Hierosolymæ pacem !

F I N I S.







DE
N U P E R A
D. FRIDERICI SPANHEMII F.
E P I S T O L A

AD
A M I C U M,

*Quâ exhibet novissima circa res Sacras in
Belgio dissidia,*

A M I C I

ad

A M I C U M
E P I S T O L I U M.



M. DC. LXXVI.

2783-807 Bound W. + L

